

黃
帝
龍
首
經

孫星衍校

中
華
書
局

黃帝龍首經序

黃帝將上天次召其三子而告之曰吾昔受此龍首經於玄女經章傳義十有二緒二經也蓋吾所口受不傳者謂龍首記三吾今日告汝汝固能行之乎內以自輔外脩黔首黔首者術與賢者若不能行則埋之名山三泉之下慎無妄泄使不神吾將為汝參會其中謂起遂其終始傳也要正之本謂正同之一首謂陰陽有四萬物俱主各自理言事物唯非一義不相干事不相擾期之事雖衆多各有次第事不相擾亂敬脩其神以為天寶天一常居太淵之宮言天一至尊固守而不行以中央直神后之左右春遊玉堂大吉臨夏遊明堂神后加秋遊絳堂登明加冬遊生死之場魁其居一也數在干右玄冥少陰也南面四六也左明光少陽也背太陰亥也向正陽午也翳華蓋斗召西乘玉衡大吉迴璇璣星也而臨八方四南北及將四七謂二十使三光日月星也通八風謂八節也定五行謂東方木南方火西方金北方水四季土更用事之比令六壬領吉凶言日辰陰陽及所坐所養之使旬始將五嶽謂六甲之始也凡數旬始必以五子元起假令甲子旬青龍御三陰三陽故曰六壬也此遁甲五方時下所在之也二神受氣或處陰或處陽言魁各盡其正方十二日也子白獸在神后敵家之處次得壬子玄武在神后將兵所立次得丙子朱雀在神后執法所立次得庚辰后補吏兵士處此遁甲五方時下所在之也天罡為陽方木青龍南方火赤臨西方金靜金木水火土上下相以處五鄉東北方水清臨四維土盤下天罡為陽方木青龍南方火赤臨西方金靜金木水火土上下相當課上下相剋傷也死生之決前後相更吉凶三傳思之也子且識之思念勿忘常被服飲授賢士無傳洩其章勿傳龍首三子拜受而起龍忽騰翥三子仰瞻何見龍頭矣遂以名其經曰龍首云

龍首經之名始見於晉葛洪抱朴子遐覽篇。隋書經籍志五行類有黃帝龍首經二卷。顏氏家訓雜藝篇云。吾嘗學六壬式。亦值世間好匠。聚得龍首金匱王輪玉變玉歷十許種書。則此書之傳世久矣。尋書中所占諸術第十法云。功曹廷掾爲土官外部吏。及內不屬五曹者。皆屬功曹。第四十九法。占諸吏謀對計簿。當見上官。又云。欲見王者以天一諸侯以太常將軍以勾陳卿相二千石以青龍令長以朱雀皆漢時官制。其第九法。占知臣吏心善惡。漢書翼奉傳所述。日辰爲客。加時爲主人。辰正時邪。則客正主人邪。辰邪時正。則客邪主人正。漢人本有此占法。此書在漢時爲民間日用之書。故至六朝猶行於世。唐宋以後傳寫始微。晁氏郡齋讀書志。陳氏書錄解題。皆未及見。此本上下二卷。占法七十二章。吾師孫淵如觀察從道藏中錄出。頤煊見而愛之。因影鈔此冊。并校勘一過。據隋蕭吉五行大義第四篇。引龍首經。子齊州。丑吳越揚州。一條。宋許洞虎鈴經戰位篇。引龍首經將欲出兵。初以木日聞事。一條。諸欲陳兵。必伺向白虎。一條。占兵已交。勝負篇。引龍首經先起爲客後起爲主。一條。今本皆無此文。疑傳寫尙有殘闕。又午爲勝先。今世流俗書本皆作勝光。據五行大義第二十篇云。午勝先者。陽氣大威。陰氣時動。惟陽在先。爲勝也。足正俗本光字之譌。他時倘得付諸剞劂。流通于世。以視靈樞九宮諸術。其得失勝負。不知又當何如也。序成。并以質諸觀察。時嘉慶十年太歲乙丑。月將在午。日辰丙申。加時在西。臨海洪頤煊書于德州節署之平津館。

黃帝龍首經卷上

清 孫星衍校

占歲利道吉凶法第一

陽歲以大吉臨太歲陰歲以小吉臨太歲視天上甲庚所臨爲天道天上丙壬所臨爲人道魁罡所臨爲
拘檢一云天上丙壬下天道乙辛下兵道丁癸下鬼架屋起土買賣田宅入官舍使時在天道百倍在人
道十倍在拘檢道縣官大凶

假令今年太歲在寅大吉臨寅視天上甲庚臨地乙辛爲天道天上丙壬臨地丁癸爲人道魁罡臨巳亥
爲拘檢魁爲拘罡爲檢他歲效此若歲在子午卯酉爲四仲天道及人道皆在四維難可移徙謂陽歲在
子寅辰午申戌皆以大吉臨之陰歲在丑卯巳未酉亥並以小吉臨之

占月利道吉凶行法第二

陽月以大吉臨月建皆視天上甲庚所臨爲天道丙壬所臨爲人道魁罡所臨爲拘檢陽月爲奇月陰月
爲偶月移徙吉凶皆如太歲法月禁又急不可見犯假令正月建寅以大吉臨寅視天上甲庚臨地下乙
辛爲天道丙壬臨地丁癸爲人道魁臨亥爲拘罡臨巳爲檢也

占月吉日嫁娶祠祀法第三

爲負衝。季夏二星爲掩衝。正月初。春夏秋冬效此。歲位負衝。折衝。掩衝。歲前。挾畢。皆凶。歲後。歲對。天倉。天府。皆大吉。日辰雖凶。不能爲害也。

占天倉天府法第六

常以天罡臨月建大吉。下二星爲天倉。魁下爲天府。小吉下二星爲致死。仲月。无天府及爲衝星。孟月。无致死及折衝星。季月。无天倉及爲英星。天倉。天府。舉事。德及三世大吉。致死。負衝。奄。句。芒星。舉事。致死。喪大凶。

占天一日遊所在婦人產避法第七

天一日遊以戊戌日上天六日。以甲辰日下地中宮。居東室五日。以己酉徙居東北維中六日。以乙卯日徙居東方五日。以庚申日徙居東南維六日。以丙寅日徙居南方五日。以辛未日徙居西北維六日。以戊子日徙居北方五日。以癸巳日入中宮。居西室五日。又以戊戌日上天遊。不在中宮。乳婦要須出當避之。所在之方莫向之也。

凡產忌法。常以月將大時。月將下爲咸池。神后下爲豐隆。大吉下爲日大將。功曹下爲女孽。太衝下爲宮星。天罡下爲天候。太一下爲招搖。勝先下爲軒轅。小吉下爲女天。傳送下爲雷公。從魁下爲月飲。河魁下爲日刑。

占神月空劇乳婦廬法第八

常以璇璣加三五孟謂寅午戌之月則加寅申子辰月加申巳酉丑加巳亥卯未加亥天罡下爲天候太
一下爲軒轅小吉下爲招搖從魁下爲月殺河魁下爲雷公登明下爲咸池神后下爲豐隆又爲具時時
刑者寅刑巳巳刑申申刑寅無恩之刑也丑刑戌戌刑未未刑丑逆刑也子刑卯卯刑子互相刑也孟月
以功曹仲月以神后季月以魁臨月建視天上丙壬丙壬所臨地下皆空吉可居也皆避雷公招搖軒轅
咸池具時豐隆天候時刑矣

占知臣吏心善惡法第九

以問事時占之一云天罡加月建爲重陽天魁加太歲爲重陰置臨太歲爲陽置陰臣欺君魁加月建爲陰置陽君欺臣也日辰上陰神得吉神將有王相氣
休氣上下相生與日辰上神不相剋則臣下忠孝常懷愛上敬教日辰上陰神得凶將有王相氣休氣下
賊其上又今日之辰自賊其日及辰陰上神賊日上神此臣下不忠順姦猾難折勒驕常有篡弑之心也
假令陰上神登明天天空貪汙慢欺朱雀巧言令色天罡勾陳持上罪過魁居白獸欲爲大亂
假令九月丙午日中時占臣下心意何如功曹臨丙丙上遇前太衝臨午午上得前功曹陰上神得登明
將得天一天一居日之陰神太衝上神得神后將爲騰蛇騰蛇辰上辰上陰神爲發用也皆上下相生自
和遙生日辰上陽神功曹太衝此爲臣下忠孝安上愛下也此亦是兩神剋日以日比爲用故用神后
假令六月壬辰日日入時勝先臨西西上遇後一之將也此取有兩子之比主憂從外來之事也傳送爲臨壬日上陽神也大吉爲臨辰辰上
陽神也傳送陰上神得太一日之陰神太上剋下又遙賊日上神大吉爲神之陽其得魁魁爲凶神辰上

神後五之將也。今日之辰復賊日。謂辰土賊壬水。此爲臣子不忠孝謀欲亂君以錢財之事。他效此。

占人君欲拜署五官法第十

記吏當謁時。無令所謁之官傷君。年上神到王相時。爲君憂患。以君年上神將爲所憂形狀。當謁水官曹吏。無令火神臨君年。謁木官曹吏。無令土神臨君年。謁金官曹吏。無令木神臨君年。假令君年立巳。當謁金官曹吏時。功曹臨巳。將爲朱雀。爲傷君年上神。金剋木故也。朱雀告言口舌事也。到秋金王時。必爲所言於上府皆效之。功曹庭掾爲土官。曹庫吏爲金官。獄曹賊曹倉部曹皆爲水官。臥曹爲木官。戶曹爲火官。外部吏及內不屬五曹者。皆屬功曹爲土官。

占諸君吏吉凶法第十一

將及小吏。始入官臨政視事時。慎無令人年上神賊。初拜除日。又無令所出門上神。賊人年上神。文官欲得青龍。武官欲得太常。與日辰相生。不欲相刑剋。神經云。欲入文官武官。必令日辰陰陽中及用傳中有青龍太常者吉也。

假令人年立丑。以甲乙日拜官署事。始到官視事時。始從魁臨丑。此謂人年上神。賊初拜除日也。

假令人年立亥。小吉臨之。而南之午地。視事時。功曹臨午。此所出門上神。賊人年上神也。文官視事。青龍在勝先。此謂與日相生。必遷日辰陰陽傳中。宜視其神所言之欲知遷官。離青龍太常爲月期。以青龍所臨辰爲時期。

假令從魁臨未。而文官欲入官視事。勝先爲青龍臨辰。以甲相生法。遷增利日。離青龍三辰爲三歲。辰離

青龍七辰爲七月。青龍所居之神主土。其日戊己。青龍加辰爲時期。後三歲七月戊己日辰時遷。太常效青龍月生。青龍太常爲遷在外。青龍大常生日遷在內。內者坐遷增秩。卽不能備此法者。慎無令魁罡。騰蛇白虎。玄武臨日辰。人年立行惡。加其墓。卽不可用也。甲乙墓在未。丙丁墓在戌。庚辛墓在丑。壬癸墓及戊己墓並在辰。神輻曰。內期以青龍太常所長爲墓期。以四時之氣休老因死爲所坐。輕重他效此。

占諸吏吉凶遷否法第十二

以月將加時日辰。及人年上得吉神將。上下相生。卽大吉。其神又有王相氣時。加王相之鄉。爲得遷。非此者皆凶。得休氣。且免官退罷。囚氣。且繫上下又相賊。有罪死氣。凶惡神傳得吉神將。有救爲憂。外日上神將。王相吉爲遷。年上神將。王相吉亦遷。日年上神皆凶。辰上神雖善爲不遷。日辰年皆吉。爲遷不疑也。欲知遷期。以魁離今日之辰爲期。

假令今日之辰是寅。魁加午。爲在向後五日。若五月他效此。金匱云。遷不遷問何官。謂問文武之官也。說王相氣。遷武官。日辰及陰上神俱王相。重遷用神加孟仲。遷在內加季官。遷在外。

占諸吏君安官舍欲知家內吉凶法第十三

日辰上之陰。得吉神將。有王相氣者。吉。休囚皆凶。次神將言其形狀。

假令得天魁爲白虎主死喪。玄武言亡遺矣。欲知衰吉是誰。以年上神言之。陽神爲父。陰神爲母。神輻所安。以神言。則是此篇之例也。

占諸吏安官否法第十四

日辰人年上得吉神將。休氣上下相生者。爲安官。其有王相氣。遷其神將凶。有王相氣。上下相生。亦安官。上下相賊。不安官。吉神凶將俱有氣。又上下相賊者。禍不安也。得傳送。有行來事。得朱雀。口舌言訟事。得玄武。亡遺盜疑事也。光明符云。以月將加月建。行年上見休老之氣者。免官神。樞云。日辰陰陽俱因休廢者。當失職矣。

占君吏欲刑戮舉事法第十五

人君及部吏。欲得行刑。推問當事時。無令天一吉神將及王相之氣。臨今日之辰。吉神者。謂功曹。勝先。傳送。神后。大小吉也。吉將者。謂天一。六合。青龍。太常。太陰。天后也。皆不可使臨今日之辰。與辰之陰。又辰陰上之神。不可使剋人年上神。剋人年上神。必還害身也。

假令人年立未。太衝臨之。今日之辰巳也。大吉臨巳。大吉。陰在丑。從魁加丑。此爲陰上之神。剋人年上神。法行此事。吉神將及王相氣。臨今日之辰。與辰之陰上神。賊人年上神。謂從魁。剋太衝也。殃及後嗣。害子孫。人年謂人君及部吏之會也。他效此。

占諸郡縣有盜賊否法第十六

正月辰時。騰蛇臨今日之辰。若玄武在日辰陰陽。皆爲有賊盜。欲知何黨賊。以用上將言之。用得白虎殺入賊。朱雀燒入賊。玄武小盜在陽。且有在陰。已有傳得六合。爲不發。若用神爲囚氣所勝。獄囚且隊亡。君欲謀下害吏者。皆以用神處其福奇所在。

假令功曹爲用，而得句陳，當有賊在東北角，他效此。

占諸殺人亡命，可得，以否法第十七

以其殺吉時，正月辰，以玄武爲主，日辰又其上神有制玄武者，爲得日辰，上下不制，玄武所臨，爲亡人。假令二月丙申日，人定時，河魁加亥，有殺人者，時登明，爲玄武陰臨，子亡人在北方，丙上得天罡，申上得小吉，皆爲土神，並剋北方，能制登明法，爲戊己日得，他效此。

占被盜無名盜，可得，以否法第十八

以其亡時占之，若不知亡時，以人來言時占之，正月時，以玄武陰上神爲盜神，日辰及年上神有制盜神者，可得。

假令十月甲子日，人定時，功曹加亥，亥上得後五將此時射盜，太一爲太陰，臨甲，太衝爲太常，臨子，天罡爲玄武，臨丑，法以玄武陰上神爲盜賊，小吉爲天罡，陰上神小吉，即盜也。家在西南，爲人黃色，羊目，多鬚，好出行。今日甲木也，爲制盜神，子上神得太衝，太衝木也，亦剋盜神，凶盜不出刑中也，必得之。日辰及年上神不制盜神及玄武者，賊不可得也，他效此。

占聞盜吉凶，亡人所在，欲捕得，以否法第十九

以聞知之時射之，今日日辰上神有剋玄武所居神者，即得日辰，及其上神，無賊玄武所居神者，不得。假令九月甲午日，日昃未時，太衝加未，聞賊在其家，魁爲六合，臨甲，功曹爲天后，臨午，天罡爲玄武，臨甲。

天罡土神也。甲木日也。功曹臨午之木神也。並剋玄武所居神。爲得賊。不敢格戰。當將兵馬圍賊家時。兵馬主當居神后上。擊勝先下也。

假令到賊家時。神后臨酉。宜居賊家。酉上東向。擊卯地必勝。獲之。他效此。

假令五月甲寅日巳時小吉。加巳魁爲玄武。甲寅木日辰也。並制玄武。賊必不敢鬪也。法背水攻火。又建今日辰。及起其後二。攻其前四。

假令今日甲子。後二在戌。當從戌攻辰。是也。又無令囚對王相攻。言夏壬癸不可向四維也。他準此。爲囚死當王。如秋甲乙。不可西向攻盜賊也。必以陰攻陽。背子亥。登明神后。向勝先太一攻。此當慎之。自五月已下。皆式經正文。

占問囚徒知得實情法第二十

正月時。四面有席。

疑

欲令今日之日自制其辰。

如甲辰。丁酉。乙丑。甲戌。戊子。癸巳。丙申之例是也。

問者吏居青龍及功曹下。置囚

於旬陳及天罡白虎下。必令玄武居無氣之神。卽玄武所居之神。畏今日辰。及青龍所居神。囚卽輸冒辭。不敢更言。

假令神上將得天空。囚忍痛懷漫。得朱雀。囚空言自誣。得騰蛇。囚惶怖稍伏。得白虎。自殺。

假令正月甲辰平旦。登明加寅。吏欲問囚。今日甲木制辰土。功曹在巳。青龍居勝先。臨於酉。責問囚時。吏宜居巳及酉。天罡在未。未上得六合將。旬陳在申。使囚居未地。若申地。傳送爲白虎在亥。已問囚宜于亥地上。爲

玄武臨丑日。甲剋土。土神畏今日甲。甲有王氣。問囚。囚不敢欺也。他效此。

占六畜放牧自亡不知所在法第二十

各隨其類。以其亡時占之。

正月時馬責勝先之地。牛責大吉。犬責河魁。雞責從魁。羊責小吉。豬責登明。欲知東西南北。各隨其神所臨。在所勝之地爲放縱。在所畏之地爲拘繫。在所生所喜之地爲人逃匿之天。一順治責騰蛇。逆責玄武。爲各隨其所居神。日辰上神。有制騰蛇玄武及物類神者爲得。不制者不得。其物類神自臨其日辰者。爲歸家。其神與白虎并臨囚死之地爲死亡。其神與六合太陰并爲人欲隱藏之。欲知遠近。以其物類神所臨。上下相乘爲道理數。日辰上制物類神。爲得日期。假令三月壬申日中時。從魁加午時。馬自放。責勝先。勝先臨卯。式經云。東西南北各歸其世是也。爲在東方。勝先爲午。數九。卯數六。六九五十四里。今日之辰申。上神得登明。爲制勝先。法壬癸亥子日尋得。

假令先得壬癸。壬癸日得。先得亥子。亥子日得。

又一法。以其神所來。乘爲道里數。臨子午九。丑未八。寅申七。卯酉六。辰戌五。乃至巳亥四。此並爲道里數也。他效此。

假令今日日辰上神。但致玄武騰蛇不制物類之神。亦爲得。若制玄武騰蛇玄武等。亦得。兩制者。保十必得無疑也。物類若驢騾當實太衝也。一云從魁爲刀太衝爲頭神后爲屠。太一爲斧刀臨頭死頭臨刀不死。病臨斧死斧臨屠不死也。

假令六月壬寅日巳時占失猪。天一居太一而加辰爲順治。合貴騰蛇居天罡而加卯。太衝爲辰之陽神而剋天罡。此爲日辰上神制騰蛇。所失猪果自歸。爲登明加戌。戌與亥相近故也。他效此。

占諸欲知病人死生法第二十二

常以其初得病日時占之。

假令騰蛇白虎魁罡剋初病日。及占日日上神。人年所立辰。辰上神者。皆爲死。白虎所居神王相。而賊初病日。及病人年。白虎陰上神。又有氣佐白虎。共剋病日人年者。急呼妻子出病者。必不起立死也。死氣爲白虎。剋人年病日者死。又魁罡爲白虎。加病人元辰者立死。白虎非必在日辰陰陽中也。視直所居神。與病日人年相剋以否。

假令不知初病時日。以今日日上神決之。今日日上神。剋病人行年。及年上神者死。陽命男。陰命女。以前八後六爲元辰。陰命男。陽命女。以前六後八爲元辰。

假令陰命未生男。卽從未至子爲前六後八。他準此。白虎所居神。賊今日。及人年上神。亦死。若獨賊病日之辰。不剋今日。爲愈。說者云。白虎生初病日。病日生白虎。皆爲病愈。白虎賊病日人年。一一皆死。白虎與病人年日辰相生。皆爲愈。與病日同類。爲安久。

假令甲子日。占病登明神后。爲白虎者。此爲白虎生病日。病者不死。春以勝先太一爲白虎者。此爲病日生白虎。病者皆愈矣。功曹太衝爲白虎者。此爲同類。爲病久。白虎陰陽皆有氣。并傷日。立死。不傷。立起。白

虎無氣病者愈。

假令白虎所居神金也。時秋有氣。若以甲子日占之。雖年及甲上有火神火將恐死。謂火至秋無氣。恐不能救有氣也。此並式經文也。

假令不知病日人年所居立之辰。以今日用神決之。三傳終於白虎。若日入墓者。爲知吉凶期。以用神言之。

假令功曹直用。當丙丁日愈。庚辛日死。又天一爲用。生氣在丑未辰戌之日。騰蛇爲用。死在巳亥日。他效此。

又一法。不知初病日時。以人來問時占之。日辰人年臨其墓。亦爲死。日人年所立辰之陰陽神入其墓者。亦死。日墓還臨其日辰者。亦死。年墓還地年者。亦死。

假令甲乙日射病時。天上甲乙臨未。爲日入其墓。若小吉臨甲乙。爲墓其日也。

假令病者年立子。問事時。神后臨辰。爲年所立之辰。陰陽神入其墓。若天罡加子。爲墓臨其年。皆死。辰墓效日墓之例。

又一法。用神始終得日墓。皆凶。天罡擊今日日墓。爲墓門開。亦死。甲乙寅卯。木墓在未。丙丁巳午。火墓在戌。餘支干準。小吉木墓。河魁火墓。大吉金墓。天罡爲水土之墓。人年上神王相。尅白虎者。盡病日。生白虎

者亦愈。白虎生病日者死。白虎與病日同類者爲之安久也。

占知囚繫罪輕重法第二十三

其始終終休與重終囚加罪終死罪重後輕

正日時視用神終於王相之氣貴人救之無罪終於休氣罪重終於囚氣加罪終於死氣先重後輕終於騰蛇罪重無疑必死終於朱雀數見掠管終於句陳有所句連終於玄武冒辭而亡終於天空空無所有也終於白虎被罪至死終於吉將傳得其子爲有救罪得解傳入其獄爲有罪傳得他獄爲移獄所爲獄者墓也

假令功曹太衝小吉爲獄登明神后卽天罡是其獄他例此所謂移獄者假令起功曹終於河魁爲移獄一法以初繫日占之各以其所犯爲坐假令鬪傷人以句陳殺人以白虎竊盜以玄武相告罪名以朱雀假令犯坐傷以句陳所居神賊繫日卽論也繫日賊句陳者不論也句陳與日同類爲繫久傳神得其獄者必論

假令以甲乙日繫天一居小吉臨未繫日丙丁天一臨戌繫日庚辛天一臨丑繫日壬癸天一臨辰繫日戊己天一亦臨辰爲必離訟獄傳句陳之陰得白虎白虎所居之神與句陳并賊其繫日者死式經曰假日繫句陳所居在神上者此爲繫日勝句陳卽免被論也傳句陳之陰得天一天一生繫日日辰者爲也若句陳居土神上者此爲繫日勝句陳卽免被論也

貴人救之也傳句陳得繫日子母人將哀哀可爲上書也假令七月己未日食時傳送爲太常臨己謂辰上得後四之將神將不相刑又有王相氣謂金王故也天罡爲句陳加卯傳得其旺謂辰上得一也句陳與日同類法爲安久不然蒙聽令欲知吉凶之期者以用神傳終爲有

救神期也。

假令七月己未日酉時。天一治神后。加於辰。太衝亦加今日辰。神將不相刑。有王氣傳得其母。登明加卯故也。
句陳與日同類。法當繫久。然蒙得出傳。而得傳送天一。爲移獄也。

占諸欲遠行使出吉門法第二十四

始行時。欲令今日辰人年上得吉神將。有王相休氣。而出小吉。得傳送下。卽大吉。慎無令魁罡臨所出門上。所出門上之神。又不可傷行者年上神。門上神者。所出入門也。

假令八月甲申日時卯正。日時行者年上立戌戌上。得登明。欲傷行之午。午上得小吉。小吉傷登明。此爲門上神。傷行者年上神也。門傷行者之年。道必有殃。年傷門。行者不安。必有疾病而還。此所謂年上神。傷門上神也。又到日無令賊初發之時。

假令始行之日。以甲乙時加寅卯。慎勿以庚辛日申酉時到也。若到時賊初發之日。咎及先君。又勿令陰陽中絕其類。謂凡欲出行。欲令日辰陰陽中有傳送。傳送上遇吉將。則行者吉。有凶將。則行者凶也。

假令行時傳送不在日辰陰陽中。直視傳送上有吉將亦吉。不可有惡將也。

假令遇凶將是螭蛇爲驚恐。朱雀口舌拘留。句陳見鬪戰。玄武亡遺天空。見耗病。所求不在。白虎死喪。他效此。

又法。欲將帥出行。欲令天罡臨四季爲神樞外。百事吉。神樞又云。無令所之之鄉。傷其年。乃有喜。假令欲行。行人年上立四季。此爲所之之鄉。傷其年也。他效。